

Estrara propono:

Afrika IJK – strategia celo de TEJO

Kreskanta juna movado

Dum la pasintaj jaroj observeblis ĝojiga kresko de organizaj aktivecoj en la juna afrika E-movado. Pluraj organizoj petis aliĝon al TEJO kiel landaj sekcioj:

La Internacia Ligo de Esperanto-Instruistoj (ILEI) en 2008 okazigis sian internacian konferencon en Benino.

Jam de pluraj jaroj estas regule iniciatoj kiuj alvokas al organizado de la IJK en Afriko: unuflanke el Afrikaj landoj kaj landaj sekcioj mem, aliflanke de eksterafrikaj organizoj kaj individuoj kiuj bedaŭras la ĝisnunan neglekton de tuta kontinento en la disdono de la IJK.

Alstrebinda celo: IJK en Afriko

IJK en Afriko estas alstrebinda celo por TEJO el pluraj vidpunktoj:

- Ĝi estus koronigo de la sinorganizaj penoj de la afrika movado kaj estus fieriga simbolo por la tuta kontinento
- Ĝi havus multajn aldonajn kromefikojn: Aktivula trejnado, organiza trejnado, (proprainiciata) starigo de strukturoj
- Grandskala kreado de instituciaj kaj personaj rilatoj
- Ĝi estus pruvo kaj simbolo de la internacia karaktero de TEJO

Multaj obstaktloj

Tamen, pripensoj organizi IJK-n en Afriko alfrontas plurajn obstaklojn, i.a.:

- Movado en la kongreslando
- Malfacilaĵo flanke de TEJO
 - malbona kono de funkcio kaj strukturo de la afrika movado
 - malbona kono de politikaj, ekonomiaj kondiĉoj
 - limigita kapableco racie prijuĝi eventualajn proponojn
- Taŭgaj kondiĉoj en la kongreslando
 - politike/sekurece
 - atingebleco
- Taŭga kongresloko
 - urbo
 - infrastrukturo
- Financado
 - Necesus grandskala subvenciado de en-afrikaj vojaĝoj kaj partoprenoj
 - Ankaŭ ekstereŭropa partopreno bezonus subvenciadon
- Praktika organizado

- transdono de kompetentoj al LKK
- enplekto de kernaj elementoj de IJKoj

La tuto de tiuj obstakloj praktike malebligas ke proponata afrika IJK ene de mezlonga periodo en ordinara IJK-konkurso ne venkus kontraŭ la konkurenco. Foje supozata „kontraŭafrikismo“ en tia prijuĝo ludas nenian rolon. Aldoniĝas troigitaj atendoj en Eŭropo kaj Afriko pri la efikoj de Afrika IJK

Propono: Komisiono „Afrika IJK“

Por atingi la celon „IJK en Afriko“, konsekvence bezonatus longa kaj intensa esploro k sondado, antaŭpreparado kaj preparado.

Estas proponata ke:

1. La komitato de TEJO deklaru ke „Afrika IJK estas strategia celo de TEJO, pro subteno de la Afrika movado, la alproksimigo de movaderoj k individuoj, la simbola valoro en k ester la movado“
2. Por tiu celo estu komisiono en kiu membros
 - Junaj aktivuloj k spertaj gvidantoj el Afriko
 - Eksterafrikaj spertuloj pri Afriko
 - TEJO-estrarano(j) pri IJK kaj/aŭ landa agado
 - specialisto pri financado/subvenciakirado

Tiu komisiono laboru laŭ plurnivela procedo:

- a) Sondado pri eventualaj kongreslandoj kaj lokoj, konsiderante ĉiujn necesajn aspektojn
- b) Instigi preparajn aktivecojn: aktivulan trejnadon k.s.
- c) Sondi pri monfontoj subtenaj al la projekto
- d) Starigo de internacia teamo
- e) prezenti proponon.

Se la komisiono ĝis oktobro 201x sukcesas starigi promesoplenan proponon, la Estraro ne alvokas al kandidatiĝo por IJK 201(x+2), sed decidas favore al la propono de la komisiono.

Starigo de la komisiono

La Komitato taskigas la Estraron starigi la komisionon.